

八山卷翠又有四山居中日色山疊翠者
此後其尉仍字宗人府事以指平為詩有
山水遠鏡我徧錄無地好之陸履政元
和不應竹首致睡岷山傲居數椽與中
游惟窓下研精竹素世宗命作東文宗
或晚統騎之者未幾公主亮即謝絕賞
不喜華美無
世以官
故其端重十

玉峰詩纂卷六

皇明

鄔景和 景和字時泰邑人先世以富戶

實 京師遂隸順天籍生而岐嶷端重十

六尚 世宗妹長公主雅性不喜華美無

戚畹紈綺之習未幾 公主薨即謝絕貴

游惟窓下研精竹素 世宗命作玄文景

和不應忤 旨放歸崑山僦居數椽吳中

山水遊覽幾徧餘無他好也隆慶改元

詔復都尉仍掌宗人府事以病卒為詩有

八山疊翠又有四山居中曰包山疊翠者

詩皆可誦不能盡錄

遊蘇州半山寺

山疑實滄

山世擁閭画浪

山塘婦已閣苑作漁

山隔半心樂忘樓村莊歌

山遠光百千三城題留侑

山映峰四蘇舊榻醉

山里近廟禪新

山堂竹絲

八山疊翠詩

遊西山靈光寺

山山鏡隨

山盡映照鏡身

山神遊是色眼如不

山異有四季春山山光貪

山靈鄰後山都山山歸世

山擇前訪野慕是俗

山徧外至因尋

山人樂真

包山疊翠詩

顧夢圭

夢圭字武祥潛子五六歲時即

知聲偶數出奇語十七舉應天鄉試登姚
涑榜進士授刑部主事便養改南京吏部
陞員外郎郎中廣東參議河南提學副使
再遷福建左參政江西右布政使所至奉
職清謹性恬淡不規規仕進詩雋麗古雅
有晉魏風格所著海北齊梁武平還山諸
稿

武夷紀遊一首

丹丘屏氛翳碧澗瑩漣漪中天侍玉女空谷巢
金雞暢亭果崔嵬鐵障何逶迤石廩貯瑤少寶
刀剗翠螭浮槎架絕壁當自蓬瀛歸宛然承露
掌委蛻或於斯殊稱似迂誕幻象皆瑰奇所歛
在先覺五曲存孤祠玉簡空見投彩幄將安施
踟躕隱屏側巾舄想光儀

鼓山紀遊呈車方伯

武子厭羈鞅每懷滄浪觀石鼓酬夙盟弭蓋青
雲端與區展遐矚殊域諧幽歡張組臨浩淼振
袂凌嶺岼蒼煙冒洲渚紫霧韜巖壑百粵表雄
峻八閩資真安靈風鳳泉冽法雨瑤花寒詎謂
諸天遙坐知千界寬歸潮促飛觴初星迎解鞍
無能遂高舉撫景慕駉鸞

提學公署讌集紅梅及桃花盛開

青陽麗南服首歲觀芳菲碧卉映文砌丹旌舒
絳幃嫣然頰玉姿粲矣朝霞輝經雨不減華因
風憐易稀試折當綺席徐飄戀羅衣凝睇奈無
言揚芬如有依辛盤洽清歡彩勝邀春暉憑軒
物候改撫景故顏非園廬隔海嶠微志每多違
虛陪東閣詠緬憶武陵歸

邵武公署雨坐

書幃衣桁長蒼苔僻郡分司稱散才石上爐香
消晷刻雨中山鳥下樓臺開簾惟有煙蘿色掃
境曾無軒從來縱是安栖慙廩食不如五柳故
園栽

茶洋驛壁間讀王道思留題

分飛歷下兩經春忽見紗籠錦字新粵地山川
容吏隱梁園辭賦憶風神朱絃寡和憐英妙瑤
少無緣遺遠人知子宦情如野雀往來休厭素
衣塵

崇安水簾洞紀遊

天外巉巉兩石扉林端隱隱細泉飛五城遙峙
僊人闕匹練斜分織女機雲逼丹梯遲過鳥風
搖珠箔巧沾衣尋真采藥無如此下界氛埃何
處歸

題秋原遊騎圖

蕭條閑隴秋風起白馬閒行碧山裡少年曾逐
霍嫖姚長驅漠北氛塵消功成不戀肘間印徵
歌選伎黃金盡種瓜誰復識東陵麒麟未畫髯
猶青聞道南原有狐兔霜蹄且試長楸路青絲
玉鞭錦障泥寒雲踈樹何離離醉中射石石飲
羽九兕雙鷗應弦取早晚君王賜劍行尚能親
擣月氏營

暑中觀竹林七賢圖

執熱少歡晤清朝逢故人虛堂觀圖畫往代留
風神萬畝琅玕長新碧坐聞雜佩鳴瑤席翠影
頻涵風外杯緇塵不浣霞邊鳥世態人情那可
論閑閑緬憶無懷民未能蓬島超玄邈且傍糟
丘托隱淪白日冥冥雲杳杳此中果覺乾坤小
千古深衷知者誰當年青眼開時少浩嘯狂歌
逐林月箕山濮水同孤潔只今城郭困炎熇對
此渾如濯冰雪清泉白石難招魂應駭鷺鷥巢
秋雲高懷更有永嘉守未許山王侶五君

雜擬三首

栢梁新營建章起武帝雄心殊未已金櫺玉碣
千萬重駘蕩承光侔太紫海東鞭石血橫流燕
雀徜徉彩雲裡君不見天庖椎牛犒大匠荷鍾
丁夫誰餽餉

翩翩獵騎臨邊城
城邊草深山路平
豐狐狡兔各有穴
鳴鏑張罟殊不驚
邇來地氣南徙北
廣莫風至猶無冰
君不見桃蟲翻飛
即鵬鳥首下尻
高咎非小

長安一日封五侯
輝煌華轂擁貂裘
明珠萬斛來海嶠
朱印何人中夜投
羊公緼袍徒寐莫
趙生擊筑歌伊優
君不見即且甘帶
鳴嗜鼠雲際龍
鷲自翔翥

送石川子南遊歌

東風漸綠江南樹
錦帆迢遞三湘去
雲中宮闕何崔嵬
翠蓋蜺旌恍相遇
古稱登高能賦為大

夫張侯標格迥與凡人殊
投却銀章就巖穴
縱遊五岳翔清虛
春來問訊武陵漁
洞口桃花幾萬株
窅窳層峰眺襄漢
氣象果是鈞天都
黃金為楹玉為砌
紫芝瑤少隨吾車
歸途仍欲訪嵩少
復擬策杖窮匡廬
中原風塵頗瀕洞
不如卧看瀑布懸香爐
武夷九曲真畫圖
我曾排雲躡霧飛
雙旆君今倘入幔
亭路玉女應為揚清矚
信州直下子陵瀨
綠波烟烟涵青蒲
此中最可容裘褐
長釣桐江月下魚

宿馬鞍山中

拙劣懷遜棲菟裘
托茲土落景窮躋
攀於馬滌

三
卷六
九
煩暑湖泖來迅颺海嶠飛靈雨綠林蔚象幕素
鳥時翔翥寥曠薄纖絺蕭爽屏輕羽倚檻畢餘
歡聯榻皆佳侶微霄捲天末長河挂遙渚形骸
暫控搏宇宙足容與六氣豈殊域十洲幾幻語
願言保奇齡所恋非酣湑

陸冕 冕字宗周邑人體性沉質大雅不
群姚涑榜進士授禮部主事累官山西叅
議陝西副使律已廉介詩雅健清古年五
十有二卒

高郵湖雜言八首

州城枕大湖職貢萬年圖形勝襟三楚方隅帶

兩都

水店垂楊暗荒祠苦竹春齊繞城北郭賞酒賽
湖神

種菱陂水中捕魚潭樹下借問濯纓人何似垂
綸者

獨立柁樓望姑蘇那箇邊相知是湖水來去但
輕船

天際陰雲歛澄湖正好過波瀾歛浮動祇為受
風多

晨興看水坐幽興入青冥漁父非賢者誰能問
獨醒

孟夏麻葉肥
瑤華折遺誰
同心眇天末
臨水益相思

喜渡淮南水生辭
塞北塵歸驂
與歸權齊送倦
遊人

西夏曲五首

上相承恩西視師
穹弓百萬羽
林兒河流不用
防秋使瀚海
翻為飲馬池

秦關百二古稱雄
寧夏山河襟帶同
天險皇圖元自固
前朝失策自和戎

校獵河西日未曛
縱金伐鼓靜胡雲
還軍飲馬長城窟
野馬黃羊數百群

黑水銀洲百戰場
積霜白少莽蒼蒼
季秋瀧水關山月
漢虜誰能不斷腸

邊墻百雉馬池傍
亭堠岩峩帶朔方
辛苦王劉防虜計
論功誰為達明光

張士瀹 士瀹字心父
寬之孫夙抱玄襟
托興風雅早歲薄
遊金陵詩律彌進
未仕卒

飲馬長城窟行

君行無歲月留妾
守空幃空幃并寐
莫常恐君寒饑
昨夢到君傍君在
長城下自言羈旅
愁遺鞭思飲馬白
楊風蕭蕭河水積
未消回頭向城

北一矢落雙鵬夢覺妾還在夢後妾還疑蘇卿
信遠邁亦有還家時坐聽乾鵲鳴妾心又驚喜
今日出門看應來寄書使

感遇

弱冠事觥翰雅志登明光蘭若方垂榮嚴親忽
摧傷鼠雀入我室狐狸登我堂繁華有凋歇莊
生著庚桑籠鳥思振翼厖馬祈騰驤荏苒歲云
莫聿懷熱中腸

登樓

達人尚孤介雅有郊墟情茲晨陟層樓林壑落
檐楹俯視下寥廓曖曖烟雲生怡然發清曠幽
禽對時鳴塵想付無言邈若坐玉京緬懷仲宣
子持杯揚令名安得起千載一笑平生傾

夙駕邁皇邑一首送少宰潘公

夙駕邁皇邑怙悵風前卮長干集冠紳驛路明
花枝渺渺燕山遠悠悠旌旆移大人繫社稷
小子將疇咨燕臺昔勵士隗也寔先之我明
懸日月持衡况吾師願沛雨露恩草木同華滋
臨歧一杯酒送人還京

臨歧一杯酒惆悵故人違落葉雨中滿歸舟江
上稀路將天共遠帆逐雁同飛去去還鄉樂無
勞淚濕衣

贈康子

康子南中彥息駕青溪濱雅志薄建安論著追
先秦新章益麗藻允美廟廊珍狂遊忽數載廓
落歸天真詞林擅高步聲價推朝紳慚予抱蹇
劣大道多沉淪玄究既晚悟摛詞亦蟹呻願枉
瑤華篇學步邯鄲塵

秋夜

圓象皎夜光寒潭帶清淺儻徊傍巖阿幽興得
所遣孤禽驚復棲奇英露方泫隔巷聞砧聲柔
腸幾迴轉

金陵曉發

驅車上河梁停車指吳越殘星帶陂塘晨飈激
林樾感此懷故都空城挂微月僕夫向誰語履
磴幸支滑陽烏漸流光雞鳴以時發行止本無
定徒令悲華髮

早發金涇澗

天昏雨濛濛榜人驚旅宿晨黍未及炊餒馬念
僮僕遥遥出平林天遠疑無陸時見一帆過前
山逗微綠塵襟旣以曠神賞亦以足漸轉向東
臯牛羊雨中牧借問此何村幽然覩茆屋真想
在天涯空悲人事束

雲陽道中

昨日過雲陽冰霜滿長道茲晨雲陽歸疾風吹
嫩少時序如轉丸功名苦不早感此脉無言白
髮憂人老

鎮洋樓寓目

長風激征帆旭日麗高林憑軒一以眺江湖窮
且深輕車駕言邁離懷慘不禁孤鴻向南翔白
鳥啄河陰臨風發長嘆悠然傷我心

旅泊

旅泊依江渚他鄉見客心晚鐘僧入寺深樹雨
留禽潦落常沾酒淒涼獨抱琴東風任駘蕩白
髮歲華侵

蕪谿夜泊

吳地非前盛連年可弄兵野魂招未返江月夜
空明亂後青衫老愁邊白髮生孤舟頻繫纜惆
悵闔閭城

寄黃淳父

不知黃叔度歲晚孰為群身卧經綸偃名高上
下聞夢懸荒徑月愁入亂山雲相見知何日持
杯正憶君

徐侍御過訪失迂寄謝

偶赴比隣飲空迴長者車堂虛徐穉榻門染糞
州書礪少添新色苔花損舊除何時重命駕先

此婦吾廬

得柱兒詩劄

仲子好男兒平生句尚奇未諳離客思為寫斷
腸詩學語鶯調舌欲眠蠶吐絲前人有繩武賴
爾力追隨

憶昔

憶昔汀洲澹紫烟月明曾繫五湖船香肌獨枕
美人夜旨酒同歌秋水篇十載依稀南國夢尺
書迢遞白雲天祗今抱病虛清晝撩亂楊花點
客毡

周後叔

後叔字胤昌崑山人嘉靖進士

授工部主事累官金華太守為詩清雅雋
逸纖滓不留澹濯幾盡有楚游篇越中稿

苦寒行

寒門厲迅飈驕虜窺漢邊聞警事結束拂袂寧
俄延長驅度陰嶺轉戰悲窮年滅跡皆浮沙延
頸無吹煙玄狐涼野沒豪鷲高戾天凝冰鬱峻
嶒策馬不能前餐餼豈宿飽噬雪非甘泉臨岐
迷所之故道已茫然人馬並云疲慷慨相泣漣
歲徃功未建茲役復徒旋

苦熱行

結髮習馳射飄忽追胡風還佇拊髀思無論繫

頸功一旦被微發驅之事南戎理裝棄逸駿被
練臨飛艤炎徼徂赫曦海沸沙礫鎔積潤有愁
霖委勁無完弓宵征赴急警道險多易窮伏莽
倏蜂集長技無由終偷生既負慚徒死違故裏
持謝羽林子毋自輕為雄

端午寓邵陽登雙清閣

宿抱登臨癖還憐勝日逢雲來驚墮閣雨積欲
埋峰辟疫迎丹虎招魂戰彩龍只今湘水上誰
賦繼前蹤

春愁曲

青樓花煖春冥冥綵針弄斷歆雲屏新鶯嬌滑
互流怨碧空雲失魂無憑誰家玉勒羽林子翩
翩照耀香塵裡懸斗未識六國遊賜貂寧出百
戰死妾家夫婿數獨奇斬虜上最猶邊陲玉關
不入生年少空使雙筋啼春姿

重登雙清閣

春光隨客好勝賞逐時賒雲外雙虹落山頭百
雉斜圓波沒水鳥香雨雜風花長嘯諸天近詩
成送暮鴉

重過龍潭寺

寶閣披雲竇珠林抗竹房綠歲僧定冷紅入鳥
啼香幻却須臾盡年光竟日長停車貪小憇塵

海隔蒼茫

寶慶道中暮投希福禪林作

蘭旌迷望處
幽刹憇斜曛
水碓閑飛溜
巖耕破積雲
林香隨馬續
山色度樓分
此夜虛堂月
悠悠揚夢不群

贈衡州姚將軍

姚故為崑山人祖以軍功襲南都揮使今徙官衡州

秋色湘南發
逢君眼倍青
萍蹤孤塞客
梓里百年情
玉岫衡雲接
金陵楚兩輕
故鄉多戰陣
何日借干城

曉發臨武道中

懸旌巡楚塞
振策肅晨征
山曙林無色
灘迴岫

有聲高鐘度
雲冷濕露起
沙明神化諸
獠伏烽臺戒未輕

同衡州游太守石鼓書院覽眺

孤嶂澄流合
層欄錦石攢
波光浮閣淨
松色落江寒
殘碣披芳藻
名儒接峻冠
傾尊意無限
蟬急暮楓丹

同永州劉太守遊朝陽岩訪柳河東先生遺跡

勝賞翠微半
華筵敞綠堂
層壑分淨靄
萬井動初陽
飛磴懸罨窟
高城匝鳳岡
雙鳶調野奏
五馬促流觴
洞瀉泉香細
亭涵江色長
愚溪雖信

美千載意偏傷

送却行人使楚竣事還雲中省侍

皎皎皇華使翩翩又夙征紫泥南國重綵服北
堂輕雪暮千山驛風高九寨城旌旄披楚色絃
管雜寒聲不忍持觴別誰同傾蓋情炎荒何以
贈冬半有梅英

初至武岡過龍潭佛閣登眺

恩譴遙從楚徼來翠嵐深處赤城迴礙雲飛閣
凭龍窟蕩日澄潭俯鳳臺風物自殊堪吏隱溪
山無約對誰開遙憐近徙長沙者還是當年重
惜才

重過荊州辱

遼王殿下以詩留行次韻陳

謝

萬里驅馳成拙宦十年飄泊摠浮萍夜郎一去
頭俱白梁苑重來眼獨青月共西園還有咏歌
傳下里不堪聽離情恨逐東流水况復秋聲瘁
客形

南中歸過采石弔李太白和韻

萬里停舟落日黃聊將蘭茝薦清觴西江舟冷
無鸚鵡南國臺空有鳳凰目斷咸陽秋少滿魂
遊蜀道暮雲長挂帆不盡懷賢意潮落磯頭月
正涼

題二妃廟

總帳千年並蘭漿一奠分暮痕重沁竹朝珮兩
為雲

過洞庭湖

地失波為國天窮雲作山悠揚片帆影疑與蝶
飛還

贈江夏吳明府

黃鵠磯頭月欲斜猶聞玉笛落梅花江城趨走
君休厭此地仙凡是一家

感遇五首

幽居覲玄化往來本互宅四運如電流群生遞
為役三命皆有盡彭殤豈殊尺巧智迺相矜
擾誰已惜浮榮與化徂虛謚誠何益

螳螂狗微飽黃雀輕金丸所適本易足誰知迭
相干崑崙有神鳥遠食青琅玕虞周僉已邈千
載寧高搏好音不及耳豈復虞羅患

浮雲澹無象飄飄凌蒼涯奄忽薄傾曦爛然成
綺霞眩目若可製組繡不足誇舉世無達觀所
賢唯豪華是非終然變扼腕徒咄嗟

至人洞元命五性匪易滅唐侯讓天下窅然喪
飛蟻會逢倕倕子胡乃秘玄訣秦皇掃六國廣
意殊未竭揚帆截溟海無由采靈苗昂湖龍已

逝玉杯一何謫白雲不可期
悵望徒悲咽
青陽被芳甸玉律調幽禽
朱火旦夕流嬌歌忽已沉
鏡顏委時變嗤嗤眷華簪
諒非金石姿胡為久滯滙
朱絃有逸響欲奏無知音
鷗鳥可與言相期白雲深

過七里灘

薄遊本無意偶茲山水緣
時時理桂楫冷然御雲烟
往迴澄江濤恣情信洄沿
層巒匝蒼翠喬林鬱綿聯
舟行如浮空游鱗皆鏡縣
帆滅翠屏裡眇塗昧無前
猿鳥遞相呼陰崖各飛泉
荒臺隱蘿薜清風生潺湲
懷賢有枌醕欲奠還茫然

江行有懷

長風吹落曛逍遙發輕槳
江天淨炎氣嶺月忽東上
群翠杳難分浮金若可掌
眠鳥驚水飛啼猿落巖響
感此懷素心夢馳共幽賞

分賦得風

已自虛中滅應從滅處生
泛琴微入調排幌若為情
影拂仙儀亂香飄舞袖輕
冷然如可御詎取大王名

梁沈約出守東陽賦詩一章于玄暢樓詞旨

悽惋多外補矢志之意為千載絕唱後人乃句分為題咏之偶茲暇日效賦律詩八

首庶幾同病相憐不乖作者

登樓望秋月得登字

飛鏡滿虛閣羈人試獨登光馳越江淨寒傍庾
樓凝香蟻浮金桂賓鴻度玉繩誰能遺世網託
乘紫烟昇

會圃臨春風得春字

光風來宇內蕩漾及芳晨調雨肥隋柳傾花泛
洛塵黃鸝渾似醉白髮任吹人終遍天涯外休
嗟遲暮春

秋至愍衰草得秋字

一自聞鶡馱芬芳委道周楚臣悲客序漢塞入

邊愁三徑猶存菊天涯尚敞裘憑高林縱目蕭
瑟不宜秋

寒來悲落桐得寒字

搖落金風早懸知天下寒有枝不礙月無蔭可
停鷺空托嶧陽老誰將爨下看吳宮愁已遠衰
草恨漫漫

夕行聞夜鶴得行字

宵雀啖淒清那堪旅館情華亭寒月淡緱嶺暮
雲平似惜千年別偏於午夜驚乘軒終失性刷
羽恣遊行

晨征聽曉鴻得晨字

振策及蕭晨悲鴻唳送頻霧深思逗渚風急數
呼倫宵度應傳素哀音豈饌賓虞機還易觸休
慙稻梁新

解佩去朝市得朝字

匹馬曉蕭蕭侵星去市朝含香違画省捧檄下
丹霄宣室誰仍召愚溪歲易消皇波元自濶萬
里詎云還

被褐守山東得山字

郡祿詎云薄名城况水山行春驅薜磴拱坐面
雲関吾已甘投紱誰今擬賜環瘦腰非為折吟
苦晝庭閒

夜泊新安江有感

停橈延擁翠殘暑淨餘霏峰影中流暗村聲半
嶺微羈愁蕪水濶壯志逐年飛因憶垂綸者秋
風鱸正肥

夜宿浙江

孤驛青楓暗連村赤岼危灘頭崖慣削津口路
初岐昏霧沉山盡光雲泛月遲榜人相問訊早
晚是潮期

聞蛩

秋蛩到處鳴旅館獨索情易斷青燈夢能令白
髮生露深吟更促調苦咽還清豈是歡遊地無



原件短缺

缺20.21

人聆此聲

同張睦州希范亭瞻眺

解襟遊寶地忘暑趣珎鞍山色含城翠江聲入座寒孤亭雲際出萬井樹中看弔古攀松殿追涼俯石壇沙晴留虎跡渚晚靜漁竿幽意來清磬塵容愧白團無生添妙乘煙暝不知闌

東陽署中偶題

捲簾不斷碧嵐飛粉署幽修枕翠微暮閣泉聲連刻漏晴郊樹色到書幃青山並墮襄陽淚縣南有東西峴二山白鳥渾忘海上機多暇祇應稱吏隱獨憐霜鬢每沾衣

方攢玉楚澤先秋已佩蘭香度瓊樓風乍轉光搖仙掌露初溥逢君况是棲霞客未使緇塵染素冠

與馮子潛話舊

五茸城外別君時流水青山幾夢思偶向煙霞尋勝事漫同樽酒結幽期東風出谷催黃鳥夜雨連江長綠蘿聚散只今難自料風波何處不堪悲

送董比部戍廣西

諱傳策

年少才名徹紫宸嘶恩那敢負朝紳千言抗疏緣明主萬里從軍奈老親疲馬獨隨銅柱月

素衣猶染洛京塵
君行日與蒼梧近
雲氣還應繞逐臣

過莫學憲夜話

城市依然此問君
薜蘿門徑鹿為群
樵蘇豈是逢周黨
詞賦猶能識子雲
簾捲青山迷海氣
風回白雨度江濱
相知揔是忘形者
把酒無言坐夜分

送沈嘉則之建陽訪顧令

憐君個儻士猶未展平生
世外論交誼天涯悵別情
岼花違故里山雨向孤城
到訪臨邛令貧應念馬卿

再題子潛山居

卜築意何僻青松日掩門
一瓢供澗水四壁借山根
世慮了無掛道書間可論
漁舟能再入猶記在深源

題茱利

華月輝輝素影流
香風習習澹烟浮
却疑姑射山中見
不似當年洛浦遊

殘桃

武陵春色又將闌
洞口飛花帶雨寒
却笑浮生共飄泊
春風幾度客中看
寄贈馮子潛卜居南山

近聞卜築寄南山早學劉伶善閉關一任煙霞
浮世外不將名姓掛人間門臨曲澗春泉滿月
映疎林夕鳥還只尺佳期成間阻叢生桂樹向
誰攀

送沈嘉則

聞君有刺向誰投塵世相逢嘆白頭黃鳥聲中
催別酒白雲影望歸舟千言摠就相如賦十
載猶懸季子裘從此江湖一分手亂山殘月幾
悠悠

賦得入林採漁竿和張玄超

搖落風塵日出期誰復同長懷釣川上言採入
林中翠剪烟初斷藪分月漸通一竿從所適蕙
遣兆非熊

登玉峰華嚴寺用孟郊張祐韻

尋真陟靈境談空坐禪床碑板窺往蹟旃檀龕
餘香塵勞祛心目萬象咸寶光俯視人間世終
歸幻化場
遠岫何出沒游雲相吐吞松聲雜萬籟石勢懸
孤根流目盼海宇揮戈遍江村逋民竟誰顧直
欲排天門

送方同叔遠遊

風塵何事獨徘徊慷慨憐君國士才白雪可堪



原件短缺

歌郢曲黃金空說有燕臺滄江夜雨懸孤棹岐
路秋風阻一杯為問冥冥南去雁幾時還寄尺
書回

送王山人遊燕

憐君西嘆指燕京曉拂吳鉤帶月行為語漢庭
諸館客從來結襪是王生

燕関日傍五雲流白馬翩翩此勝遊王粲才名
知籍甚莫因鄉思賦登樓

逢沈嘉則

亂後相逢日論文已十年江湖如夢裡身世各
飄然司馬愁多病楊雄思獨玄明朝重話別猶

通者公屢建奇功反指以為罪惟巡撫曹
公邦輔與公一心卒底蕩平之績公忠義
英武奮不顧身貽其子家書誓以死報
國累遷副使叅政以病卒于家其艱苦之
狀詳見後撰哀大夫任公文中

海上作四首

草草功名六六年正當烽火動江天除殘愧乏
長驅畧策馬空揮短節鞭

海上曾經血戰勞張孤終日逐群獠當時尚復
南奔去不似而今不肯逃

西望吳門百里賒亂雲殘樹鎖驚鴉城頭夜對

王峯詩集卷六
瀟瀟雨刁斗聲中忘却家
蓮碧華橋夜伏兵幾於虎口喪書生非緣不解
全身計為有江南百雉城

歸有光 有光字熙甫邑人自少穎敏工
古文辭宗尚班馬嘉靖乙丑進士知長興
縣簡直不諧于時除順德府通判尋改太
僕寺丞直文淵閣卒有文集若干卷

香山九老圖

昂藏九老人歛然見茲圖猶如少年子求友相
追呼紅顏不可駐白髮聊自娛婆娑林木下放
浪詩酒餘情歡愜日永性適忘歲徂翩翩青鳥
來若若紫綬紆吾愛白居易高懷絕世無有匹
一老奇八老爭相扶會昌已千載勝事傳東都
非因商山芝汾水似藐姑

題畫二絕

劉先主檀溪跳澗

滹沱曾落中興功修武先逃隆準公三百餘年
炎燼熄猶延廟祏寄蠶叢

宋康王乘龍渡河

大漠風悲青蓋遙七陵煙雨暮蕭條康王若得
真龍馭肯向錢塘問海潮

邢州承同年陳大理寄詩將至京先寄謝一

首

戚戚念遠別夢寐迷所之故人在金閨翻為江
漢思風雲方黯慘豺虎正當岐遊子悲日暮水
波不可期今日渡滹沱良覲喜不違飛雪白皚
皚千里無塵緇吾與故人心潔白亦如茲慙慙
枉尺素愛甚增嗟唏願今勿言此吾道蓋其宜
直須沽美酒為君傾一卮但恐相見後悲復別
離時

邢州叙述三首

壯歲成濩落末路藉先容所恨賤姓名蚤聞在
諸公既奉大廷封觀政於司空得友天下士旦
夕相過從道窮孔孟奧文推遷固工說詩慕匡
鼎草玄擬楊雄通達如賈誼俊少如終童守高
稱汲直曲學陋孫弘自以支離疏攘臂於其中
一朝除書下淪落故鄣東黽勉為祿養折腰媿
微躬

鄣東餘二載恪遵聖人經雅志存教化除饒去
繁刑門闌弛走卒千人皆造庭分遣每日盱庭
中無一人沉寃出殊死無蓋盡群生時有縱囚
歸皆言賦役平引納壯健兒誓之以丹青崔苻
多宿盜擒斬為一清餘糧棲隴畝絕無犬吠驚
惟以哀笄獨不能畏高明睚眦生怨恚惜甚鑊

五經詩集卷六
鄒兵風雨日飄搖拮据徒辛勤涕泣西河守古
道竟無成

為令既不卒稍遷佐邢州雖稱三輔近不異湘
水投過家葺先廬決意反田疇所以泣岐路進
止不自由亦復戀微祿做裝載行舟行行到齊
魯園花開石榴捨舟遵廣陸梨棗列道周始見
栽首著入郡問驛驢惟當撫彫瘵天馬不可求
閭閻省徵召上下無怨尤汝南多名士太守稱
賢侯戴星理民政宣風達 皇猷郡務日稀簡
吾得藉餘休閉門少將迎古書得校讎自能容
吏隱退食每優游但負平生志莫分聖世憂竚

待河水泮稅駕歸林丘

沈仲胤 仲胤字世叔邑人才高力學文
章氣魄以遠大自期惜未遂早歿

登毘盧閣

高閣炎囂外言歸更倚闌涼飈生木末香靄宿
簷端暝色催深語青山識異歡酒醒明月午縹
緲一鍾寒

湖臺寄友人

秋水虛高興沉臺辨浪痕陵風三泖客夾鏡萬
家村欹石維舟楫輕鷗近酒樽故山遙日暮懷
爾正銷魂

題呂氏幽居

城市囂塵滿幽居得水潄日凝虛牖碧風碎小
庭陰篆縷依人盡書聲度竹深悠然情不極他
日重相尋

病客

病客起長早泠泠風露香敝裘驚骨瘦明鏡入
心涼曉霽湖波定秋陰野氣荒朱明知不遠吾
欲略扶桑

雨中懷杜少陵一首

細雨軒楹寂悠然念拾遺混茫何不有浩蕩若
為期勲業虛伊傳光華尚峽夔雨深庭汎綠咫

尺有峨嵋

吳中英 中英字秀甫邑士之最有聲者
詩篇雋逸文賦道麗抗情世表曠然懷鍾
鼎之度舉鄉榜未仕卒輿論迄今惋嘆之
矣文集若干卷藏于家

木筆花三首

冉冉春風帶紫霞高情只合屬詩家分明一段
江淹夢幻出天機字字葩

深疑濡墨淺濡丹毛穎真看類冕冠好寫陳王
後庭曲豈宜周誥與殷盤

紫烟凝艷露華滋恨不移根向墨池好取來禽

青李伴真成一段右軍奇

送沈大中赴孫七峰館

垂雲軒下月輪明何似吳生送子情
後夜七峰山上望莫教點綴有雲生

送子西行未足輦七峰山水總佳賓
知余獨對垂雲坐從此軒中少故人

食筍戲作

烟霞雋永雪霜香冷玉何須試妙方轉眼帶圍
寬可待便堪騎鶴禮虛皇

送朱懋本入胄監

煌煌奎壁麗天樞盛世文章又一時
日暖蓬萊

雲鬣隼風清碧水玉漣漪芊眠萋草金臺古

嶽蛟蛇石鼓奇况是名家復才峻聲名從此看

颺馳

枕上聞絡緯

何處俄聞絡緯聲夢回枕上喜新晴
碧天露重星河濕小院風微草木清
未嘆筐箱無卒歲深懷燈火負平生
廟堂今日絲綸手夙夜誰儲補衮情

登崑山新建翠微閣

露草鼪鼯莽去蹤翠厓丹閣儼回風
凌冬竹栢巖姿異接曙雲霞海氣通
塵世坐悲風雨隔高

王華詩集卷六
情長繫鹿麋中來遊且莫輕懷古但眊疆原樂
歲功

秋日過王元肅別業

竹梧池館喜新秋聊為高人半日留石几風清
消篋蠹竹厨烟暝叫山鳩乾坤野性容吾放翰
墨奇勲待子收最是茗寒香燼後芝蘭臭味轉
悠悠

登金山

波浪衝風十里強登臨餘興未全降雲光護榻
留千古樹色迎人到半江犬吠漁婦蘆畔艇鷺
啼僧卧竹間窓川流浩浩知無極投老何年向

此邦

周尚書施藥二首 即康僖公

毒暑乘秋厲仁聲載道颺山中餘相業身外有
閒忙橘液香流戶槐陰碧墮墻誰編公別傳採
撫細成行

真識盈虛數兼通巨細方圍棋修竹下搗藥翠
芸房塵夢同蠅化高情對鶴長蒼生終繫望流
惠豈江鄉

送朱仲循讀書淞南

志士蓄奇憤不為刖足傷矢心期至寶吐輝耀
明堂風雲一朝起英盼回天光永作萬乘噐億

代垂皇網我友金石姿少小學詞章冥心事玄
討溟渤若可量 期樹鴻烈揚聲紫微旁側身
視青雲舒翼已翱翔如何更十載垂翅尚彷徨
芳春感流矢劔心增激昂忽來告我別挾冊歸
江鄉江鄉信幽絕蘭芷襲芬芳得朋資麗益何
患名不揚顧慚泛駕材脫轡遊康莊空馳萬里
志天骨森開張平生附驥心願子莫相忘俛首
待鞭策龍沙共騰驤

贈王竹泉

我昔訪古登虞山褰衣直指玄都壇是時秋高
天氣肅毛骨灑灑仙風寒好奇常念二三子狂
搜險覓窮林巒日斜始到拂水下一咲未足

十盤至今胷際有遺恨昭明書臺藹少湯當時
地主欠好事為我指點良非難歸來始聞竹泉
叟山中築室餐琅玕龍泓豹谷隱雲霧矯矯蒼
雪洄清湍無端歲月六屈指渴心丹井思汎瀾
青厓碧巘想不到時有夢寐飛嶺岼鳳雛曾向
鶴林見五色照耀青雲端竹邪泉邪在何許皎
皎空谷聞歌蘭青春浩蕩眼中見吾將入海投
鰲竿何時一訪子晉嶺共乘明月驂青鸞

古意一首送莊渠魏先生提學廣東

有鳥抱奇質棲止崑山易九苞絢五采其名曰

鳳皇前時一來儀 孝廟坐明堂心期諧韶漢
和鳴正錡錡夫何忽不樂言返故山梁故山多
球琳飲啄樂且康既聞玄豹隱亦比螭龍藏文
德日益茂羽翮厲天長千仞忽高舉四海遙相
望岐山凝睇久世道卜以昌因延未能至阿閣
徒彷徨方當景運隆朝日掛扶桑乘風試一舉
南海暫回翔喧然呼百鳥意氣增激昂人言有
道國此鳥方一彰宣尼嘆不至穎川豈為祥終
期挾鷗鵬刷翼向天潢竚看九成奏 聖世歌
虞唐

梅癭歌

玄黃擘破混沌窟太素逃魂洞冥泣何年化作
白玉龍潛抱玄珠卧山澤星霜變換骨幾蛻鐵
甲冰髯寒慘慄奚獨劉累不可馴靈怪雖繇貌
難得山中玄冬雪一丈怪底夜半飛霹靂明朝
急走蒼崖巔萬斛珠璣爛朝日清香噴薄滿天
地瑤華占斷先春色萬卉千葩總后塵紛紛紅
紫嗟何敵帝也聞之怡玉顏六丁急下人寰索
明光召見帝曰都黍稷非馨惟汝德商家廿葉
緣有道賚汝左右為良弼好為和羹調九鼎天
下雖肥爾還瘠功成却騎箕尾還要向蓬萊訪
瓊笈孤山薄遊節聊弭遺墮鳴璫翠巖側夜深

滄海明月生便向巖端作妖惑一時喚起萬玉
妃貝闕珠宮舞瑤席乃令林家小兒子覓影尋
香廢眠食芳名竊得能幾許封禪無書自堪則
方今 天子構明堂我家梅梁急匠石癯乎癯
乎莫仙隱椽桷兼收爾亦及

周夢山 夢山字思仁邑侍御諱震之子
壽誼翁之後也清才雅識博綜墳典能詩
未仕卒偶得侍御詩三章并錄焉

同顧方伯武祥集毘盧閣

高閣敞瑤扃嚴奉金仙容清且修淨謁泠泠掖
輕風良朋踐往約歛此金蘭同寶軸慙素心畫
格侔神工遺墟眇何存幻跡垂無窮金輪照丹
碧誰言色相空靈光與瑞氣轆葛虛無中雲煙
蒸四牖雷雨倏天東自非龍象護鬼神闖其踪
冥心入秋毫大觀際冲融緬懷不朽跡暫紆磴
礪翁感慨不可永清尊沃煩衷尤物天所惜是
日觀清明上河圖 勝會安可重去住誰為裁凝

睇青濠濠

曹進士東城園亭宴集

曹侯思王裔卓犖真才英時追鄴中賞洽此群
彥情蘭荃芬北池尊俎近南榮寶馥古鼎續微
涼葛衣生憐予素領茁對君青眼明遙山染深

翠日暮賞新晴

送王叅軍元肅北上

暫向留都稅使車路連桑梓未全迂向平累減
情逾適陶令心安業未蕪渥水久知龍有種雲
霄今見鳳將鷁故園有客睢盱者時復懷君輟
注書

題顧文康公松圖

彼美山上松千載閱光陰所以濟世士允契剛
直心翠滴雨中色清傳風外音神交如旦暮妙
處真可尋于今景行者寧惜徂徠吟

胤昌姪營東林新社預擬入會

東城初地水雲居鑿沼能深辯劫餘自種庭前
栢子樹仍翻架上漆園書潮通北渚分江影月
過西巘敞竹廬惟有宗雷堪結社人群日夕往
來踈

度慈雲嶺宿錢塘江舟中

日晏度吳嶽新涼生葛衣湖光澄古寺江影落
青巖賈客聲音襍樓臺燈火微扁舟今夜月初
傍白鷗磯

假山

衡門棲息不常開突兀山形出草萊洞口晝長
春寂寂落花飛絮護蒼苔

和王士招司馬有懷韻

久依禪榻共徘徊又見風前菊半開愁思酒杯
消不盡翠華何日自天來

唐孔昭池上賞白蓮

池上涼生暑氣微紅粧却換水雲衣亭亭素質
羞宮樣澹澹清香落釣磯露滴玉盤湘女泣風
搖瓊珮宓妃歸碧筒不減西湖興結社何人與
世違 已上三詩侍御作

玉峯詩纂卷六終

玉峯詩纂後題辭

後僭纂玉峯詩纂越三月成矣光
祿孟君覽而歸之亟捐稍食界邑
唐尹氏雕焉而陳君子忠書之亦
既成矣或謂予斯纂子志矣忍忘
言應之曰若不聞張仲子乎仲子
名家有作以弁其端文成矣益焉
滋恩耳獨憶永樂間

成祖 詔中官鄭和諭滄海諸夷

有沉舟之後邑士費信公曉操觚
翰叅記室歷四十餘邦計程八返
歲踰一紀信所至倚樓嘯咏題曰
星槎勝覽予心豔其事叙以紀之
此邑之典也爰續於是纂之貌俾
誦詩者攷焉亦寰宇寓目一奇也
其叙曰星槎集者吾邑費信公曉
氏著也

成祖文皇帝

命內侍鄭和即世

所稱太監三寶者使西洋撫諭諸
蕃夷採訪靈異一如胡文安公故
事而茲行尤雄雋尊大發銳卒二
萬三千人鯨四十有八諸金幣寶
玉絺繡彝器矛戟糗糧丘委林積
靡不具載用文彩論識之士顯一矢
謨策書備上清覽故簡才為要而公
曉預選矣由東吳海堧開鯨每鯨揚
十二帆歷廣閩諸島國以進所見溟

漲茫洋濤波射激轉捩洄飄鯨輕
若葉下上龍雲日與鯨鯢鷗鵬鬪
扶奮厲雖微風也亦噴薄煙霧搖
蕩嶽嶽故履斯境者罔不眴眴駭
矚身世忘矣其或翠靄淪沉空澄
一色東攀若木窺蓬山寸碧如鬋
綽約可倚亮海宇之瑋觀古昔所
罕觀也博望亡暇言奚有乘槎籌
橫海戈船震失其度宗生長風破
萬里浪亦徒詡耳嗟乎一何雄哉
遐想公曠於時憂慄俱失猶能凝
神玄思每涖蕃域輒伏几濡毫摹
儼景狀叙綴篇章雍容焉又何暇
也迹其徃復自永樂己丑逮宣德
癸丑凡八次蹈危險亦屢矣當是
時事閔舜微獨標其山川夷類物
候風習諸光恠竒詭事以儲
天子詔采納焉若禱猴弄虎飼

牛馬駝羊以魚及水泉神異皆怵
人心目魯者斥為無有然不誣也
予屏居多暇稍加刪析錄一淨本
寘六梅齋中他時隱囊卧遊又何
必識九州而臨五嶽也

隆慶壬申夏五前進士南京太僕
寺卿邑周復俊撰


玉峯詩纂後題辭終

跋玉峯詩纂後

隆慶庚午紹曾以營先孺人葬事
請假南還既竣得俞仲蔚氏所集
崑山雜詠稿別門系姓經往緯隨
其於山川名物之勝一披閱可見
亦既刻之矣然玉峯素稱文獻代
不乏人為存什一於千百則嘗鼎
一嚮有遺味焉未可也迨辛未引
疾南轅太僕卿周先生示紹曾詩

纂六卷則又旁搜徧挹探賾綜微
譬之崐丘玄圃積玉相照維冲艷
各殊而閑眇互勝彬々乎一時之
盛焉先達之篇什得先生彙次而
名益章矣若其因文闡道則有大
篇短製炳蔚盈帙所以達性情而
眎來葉者固將軼群公而集其成
哉紹曾久抱沉痾深媿離索憑几
玩悟霍然神爽乃知頭風可愈奚
假胡麻信矣爰遂刻之而俾覽者
知吾邑文獻之有在也
隆慶壬申季冬後學孟紹曾撰

三才圖會



三才圖會
卷之六

